



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry for Education**

Broj: 01-03/02-04-25258-262/21  
Sarajevo, 29.9.2021. godine

**SKUPŠTINA KANTONA SARAJEVO**  
**n/r Okerić Elvedina, predsjedavajućeg Skupštine Kantona Sarajevo**

**PREDMET: Odgovor na zastupničku inicijativu, dostavlja se**

Cijenjeni,

**Zastupnica** u Skupštini Kantona Sarajevo Vildana Bešlija je na nastavku 41. Radne sjednice Skupštine Kantona Sarajevo održanoj dana 13.9.2021. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članom 213. stav 1. Poslovnika Skupštine Kantona Sarajevo („Službene novine Kantona Sarajevo“ - Drugi novi prečišćeni tekst – broj: 41/12, 15/13, 47/13, 47/15, 48/16, 9/20 i 14/20), uputila **zastupničku inicijativu:**

*„Upućujem inicijativu za obnovu svih parkovskih površina koja su u sklopu vrtića i osnovnih škola i to tako da u sađenju i održavanju učestvuju i sama djeca, sa posebnim akcentom na očuvanje životne sredine i značaj zdrave ishrane, gdje bi jedan dio tih površina bio namjenjen upravo za to.“*

**Odgovor:**

Cijenjena,

Ministarstvo za odgoj i obrazovanje Kantona Sarajevo podržava pomenutu inicijativu koja podrazumijeva aktivno učešće djece i učenika u obnovi zelenih površina vrtića i osnovnih škola na području Kantona Sarajevo. Za razliku od igraonice ili učionice u kojoj su djeca, odnosno učenici u odgojno-obrazovnom procesu isključivo pasivni sudionici, uključivanje u aktivnosti uređenja vrtićkog i školskog dvorišta potaklo bi mlade na aktivno promišljanje i razvijanje njihove kreativnosti.

Vjerujemo da bi vlastiti angažman u procesu sadnje i održavanja bilja i zelenila bio rado prihvaćen od strane djece u vrtićima i učenika u osnovnim školama, jer im bi se pruža prilika da kroz timski rad izraze svoja mišljenja i kreativne ideje, što bi u konačnici imalo vidljiv rezultat. Mladi bi sami prepoznali važnost saradnje i timskog rada koji pozitivno doprinosi povezivanju i jačanju međusobne komunikacije.

Aktivnost bi podrazumijevala sadnju šumskog drveća, voćki i autohtonog bilja u dijelu zelenih površina koje su u sklopu vrtića i osnovnih škola, a koje može biti omeđeno raznim ukrasnim biljem. Sadnji bi prethodilo upoznavanje mladih s načinom sadnje, te vrstom biljke koja se sadi, njenim značajem za čovjeka, ali i nutritivnim i komercijalnim vrijednostima koje ta biljka ima u savremenom društvu.



Mišljenja smo da bi ova inicijativa inspirisala, ne samo djecu u vrtićima i učenike u osnovnim školama kod kojih će sadnja i održavanje pomenutih zelenih površina vremenom prerasti u brigu za očuvanje životne sredine, nego i odgajatelje i nastavnike za promjenu metoda podučavanja koje koriste u obrazovnom procesu.

S tim u vezi, predloženu inicijativu ćemo uputiti svim predškolskim ustanovama i osnovnim školama na području Kantona Sarajevo na razmatranje i eventualno postupanje uz prethodnu saglasnost roditelja. Ustanove će biti u obavezi da o istom obavijeste Ministarstvo za odgoj i obrazovanje Kantona Sarajevo o eventualnoj provedbi određenih aktivnosti koja su pomenuta u inicijativi, o čemu ćemo Vas naknadno informisati.

S poštovanjem,



**iminović**

Dostaviti:

1. Naslovu
2. Sekretaru Ministarstva
3. A/a



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1

